




UNtuthwane nendlovu

Sicelo Hlamandana

Simangaliso Sibiya & Fezile Twala





Langa limbe, izilwane zahlangana ekuseni
ukuzokhetha inkosi yazo.


Izinhlobo ngezinhlobo zezilwane nezinambuzane
zahlangana kulo mbuthano.

Zamangala ukuthola ukuthi izindlovu nokuyizilwane
ezinkulu kunazo zonke zazingekho emhlanganweni.



Umhlangano waqhubeka nakuba zingekho izindlovu.


“Sizoqhubeka ngokhetho lwethu noma izindlovu zingekho. Kumele sazi ukuthi ngubani inkosi yethu namhlanje,” kusho isikhova.



Izilwane zakhetha uNtuthwane ukuba abe yinkosi entsha.

UNtuthwane wavuma ukuba ngumholi nakuba wayenovalo.


“Lesi isibopho esizoba umthwalo omkhulu kanjalo nomsebenzi okumele ngiwenze,” ecabanga.



Zabhebhetheka ngokushesha izindaba ezithi
uNtuthwane nguyena okhethwe ukuba yinkosi entsha.

Zafika ezindlebeni zenkosana yezindlovu.


Yathukuthela yagana unwabu.



Inkosana yezindlovu yahamba yaya ehlathini ukuyofuna ukudla.

Yayinamandla futhi ingahloniphi nasinye isilwane, ikakhulukazi izilwanyana ezincane njengezintuthwane.


Yayingenandaba nokuthi inyathela endaweni yezintuthwane.



Isahamba inkosana enamandla, yavele yanyathela yagxoba ugodo. Zaphuma izintuthwane ngobuningi bazo.

UNtuthwane oweyesanda kukhethwa ukuba yinkosi entsha, wavele wangena phakathi embokweni wenkosana yendlovu.


UNtuthwane wathi, “Kumele usihloniphe sonke,” isho iluma inkosana yendlovu kaningi.



Inkosana yendlovu encane yakhala icela uxolo.

Yaphindela ekhaya idumele ngalelo langa futhi ingakutholanga nokudla.

Ezinye izindlovu zamangala ngezethembiso ezenziwa yinkosana yazo kunkosi uNtuthwane.



Izindlovu zazijabulele ukuthi inkosana yazo ibuyile kuzo.

Azikushayanga mkhuba ukuthi uNtuthwane wabe eyinkosi.

Izintuthwane zaqhubeka nokubusa nakuba zabe ziyizilwanyana ezincane.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: UNTuthwane nendlovu

Author/s: Sicelo Hlamandana

Translator/s: Zanele Ndlovu

Illustrator/s: Simangaliso Sibiya & Fezile Twala

Assurer/s: Zanele Zuma

Language: isiZulu



© Zenex Foundation - Saide 2025 (Updated Edition)

CC BY includes the following elements:

BY  – Credit must be given to the creator

